

Škovlâráávhu kulluuttem 17.8.2022

Puohháid skipárin

Kiämmân ij uážu kyedđid ohtuu. Juáháš taarbâš skippáár, tondiet ko lii mielân já roopân epitiervâslâš lede tuš ohtuu. Smietâba tääl maht tot oroččij, jis kihheen ij liččii lohđutmin, ko lii nievris mielâst. Kihheen ij perustiččii. Tast šodâččij ahevis tobdo. Jis tun liččih ohtuunâd, halijdiččih-uv kiännii skipárin? Vissâ halijdiččih. Mij pyehtip oovtâst anneed huolâ tast, et mij lep puohháid skipárin.

Tiptop ulmuid lede jieškote-uvlágáneh. Lii rigesvuotâ lede jieijâslágán. Mudoi ij liččii eres ko oovtâlágán taaidâ, oovtâlágán muusik, oovtâlágán kulttuur, oovtâlágán kielâ. Puoh ličij siämmáálágán. Puoh ličij ahheev. Mij kolgâp ilodiđ tast, ete mij puohah lep uniikeh. Mij lep maangâpiälásiih, já tot lii šiev äšši. Puohâi kemiah iä kenski teeivâ oohtân mut tot ij kolgâččii hettiđ ohtsâšpargo. Muotâčalmehhan láá muččâdeh, iä-uv lah-uv?

Juáháš kalga uázžud lede škoovlâst nuuvt, ete ij taarbâš poollâđ kiivsedmist. Puoh škoovlah kalgeh lede sajuh, kost ij lah kivsedem. Škoovlâst mist kalga lede torvolâš já šiev tobdo. Škoovlâst juáhhást kalga lede pargorávhu.

Somest kivsedem ij lah ollágin ucceeb paa ko olmâ elimist, já somekiivsedmist kalga almottiđ torvolii rävisulmui. TikTokist uápis Konstaapel Daniel sanijguin "Ele eedâ somest maiden, maid jieh edâččii njunáluvái". Muštop meiddei lede kiivsedhánnáá Interneetist já tiptop mii puohâid jyehid kuvviđ, teevstâid já jurduid nuuvt, ete ep taarbâš poollâđ tast, et šoddâp pelkkuđ já hepâdittud.